



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАРЛАР

2016 жылғы 28 қыркүйек

2016 жылы 6-8%-дық инфляция – ҚР ҰБ негізгі мақсаты

Ұлттық Банк инфляциялық таргеттеу саясатын және теңгенің еркін өзгермелі айырбастау бағамы режимін жалғастыратын болады. Бұл туралы Қазақстан Ұлттық Банкінің Төрағасы Данияр Ақышев ҚР Парламентінің Мәжілісінде «2016 – 2018 жылдарға арналған республикалық бюджет туралы» ҚР Заңына өзгерістер мен толықтырулар енгізу туралы» заң жобасын таныстыру кезіндегі баяндамамен сөйлеген сөзінде айтты.

ҚР Ұлттық Банкінің басшысы «Ұлттық Банктің негізгі мақсаты 2016 жылдың соңына қарай инфляция деңгейін Үкімет пен Ұлттық Банк 2016 жылға белгілеген дәліз, яғни 6-8% шегіне жеткізу болып табылатынын» атап өтті.

«Ұлттық Банк таргеттелетін деңгейге қол жеткізуді қамтамасыз ету үшін ақша-кредит саясаты саласында бар күш-жігерін жұмсайды. Біз Үкіметтің және жергілікті атқарушы органдардың инфляцияны бақылау жөніндегі бірлескен іс-қимылы нығаяды деп сенеміз», - деді Д.Ақышев.

Валюта нарығындағы ахуал қалыпқа келді – Д. Ақышев

2016 жылы ішкі валюта нарығындағы ахуал қалыпқа келді – деп мәлімдеді Қазақстан Ұлттық Банкінің Төрағасы Данияр Ақышев, ҚР Парламентінің Мәжілісінде жасаған «2016 – 2018 жылдарға арналған республикалық бюджет туралы» Қазақстан Республикасының Заңына өзгерістер мен толықтырулар енгізу туралы» Заң жобасын таныстырудағы баяндамасында.

«Теңгенің басқа валюталарға қатысты айырбастау бағамының өзгеруі сыртқы ортаның өзгеруіне жедел ден қоюға мүмкіндік береді, бұл белгіленген бағам кезінде орын алған теңгерімсіздіктердің жинақталуын болдырмайды», – деді Ұлттық Банк басшысы.

Сонымен қатар, Д.Ақышев «Айырбастау бағамының еркін өзгеруі отандық өндірушілердің бәсекеге қабілеттілігін қолдауды қамтамасыз етеді және тауарлардың, сол сияқты көрсетілетін қызметтердің импорт алмасуын ынталандырады» деп атап өтті. ҚР ҰБ басшысының болжамы бойынша «бұл жағдайдың елдің төлем балансындағы ахуалды біртіндеп реттеуге мүмкіндік береді».

Д. Ақышев «теңгенің еркін бағамы саясаты елдің алтынвалюта резервтерін сақтап қана қоймай, оларды біртіндеп қалпына келтіру процесін бастауға мүмкіндік бергенін» ерекше атап өтті. Ресми деректер бойынша Ұлттық Банктің алтынвалюта резервтері тамыздың соңында 30,7 млрд. доллар болды. Жыл басынан бастап 2,8 млрд. долларға өсу байқалды. Ұлттық қордың валюталық активтері 64,9 млрд. долларды құрайды. Ел резервтерінің жалпы сомасы 95,5 млрд. долларға жетті (жыл басында – 91,4 млрд. доллар).

2016 жылы ҚР-да долларсызданудың белсенді процесі басталды

«Біз 2016 жылы долларсызданудың белсенді процесі басталғанын көріп отырмыз» - мұндай үрдіс туралы Қазақстан Ұлттық Банкінің Төрағасы Данияр Ақышев Қазақстан Республикасы Парламентінің Мәжілісінде «2016 – 2018 жылдарға арналған республикалық бюджет туралы» Қазақстан Республикасының Заңына өзгерістер мен толықтырулар енгізу туралы» Заң жобасын таныстырудағы баяндамасында хабарлады.

«Жыл басынан бері теңгемен депозиттер 49%-ға немесе 2,4 трлн. теңгеге өсті, ал шетел валютасымен депозиттер 4,5%-ға немесе 500 млрд. теңгеге қысқарды», - деді Д.Ақышев.

ҚР ҰБ басшысы сондай-ақ, теңгенің қазіргі еркін өзгеруі жағдайында айырбастау бағамының әлсіреуі, сол сияқты нығая мүмкіндігі бар екендігін атап өтті. «Сондықтан біз кәсіпорындарға және халыққа барлық жинақтарын шетел валютасында сақтамауға, оларды әртараптандыруға бірнеше рет кеңес бердік. Бұдан басқа, қазіргі кезде халық үшін теңгемен депозиттер бойынша мөлшерлемелер шетел валютасымен депозиттер бойынша мөлшерлемелерге қарағанда 7 есе тиімдірек», - деп қорытындылады Д.Ақышев.

Тамыздың қорытындысы бойынша экономикаға кредиттер 2015 жылғы желтоқсан деңгейінде қалды – Д. Ақышев

Бұл туралы ҚР Парламентінің Мәжілісінде «2016 – 2018 жылдарға арналған республикалық бюджет туралы» ҚР Заңына өзгерістер мен толықтырулар енгізу туралы» Заң жобасын таныстыруда баяндама жасау кезінде Қазақстан Ұлттық Банкінің Төрағасы Данияр Ақышев хабарлады.

Сонымен қатар, ол «соған қарамастан, кредиттік портфельдің жекелеген секторларда: өңдеуші өнеркәсіпте 85,7 млрд. теңгеге, ауылшаруашылығында 80,0 млрд. теңгеге, құрылыста 31,4 млрд. теңгеге өсуі байқалды. Экономикаға берілген барлық кредиттің құрылымында 83%-ды 1 жылдан астам мерзімге берілген кредиттер құрайды» деп атап өтті.

Оның айтуы бойынша, шағын және орта бизнес субъектілерін дамытуды ынталандыру және халық үшін баспананың қолжетімділігін қамтамасыз ету мақсатында мұндай қарыздар бойынша меншікті капиталдың жеткіліктілігіне талаптар төмендетілді. «Цифрлар бұл шаралардың белгілі бір әсері болғанын көрсетіп отыр. Мәселен, 2016 жылғы 8 айда шағын кәсіпкерлік субъектілерін кредиттеу 2,8 трлн. теңгеге дейін 728 млрд. теңгеге немесе 35%-ға ұлғайды» деді Ұлттық Банк басшысы.

Д. Ақышев ҚР Ұлттық Банкі 2016 жылы базалық мөлшерлемені 17-ден 13%-ға төмендеткенін еске салды. «Инфляция және инфляциялық күтулер төмендеген кезде теңгемен кредиттер бойынша мөлшерлемелер де төмендеуге тиіс, бұл банктердің кредиттік белсенділігін қалпына келтіру үшін ынталандыру болады», - деп қорытындылады ол.

Қосымша ақпаратты мына телефондар бойынша алуға болады:

+7 (727) 2704 585

+7 (727) 2704 697

e-mail: press@nationalbank.kz

www.nationalbank.kz